

Ս. ԵՓՐԵՄ ԱՍՈՐԻ

ՆԵՐՔՈՂՅԱՆ ՔՐԻՍՏՈՍԻ ԾՆՆԴՅԱՆ՝

Սքանչելի է Քո ծնունդը, Որդի Աստուծո, և դժվարին է իմ բերանին՝ նվաստ լեզվով խոսել մեծ խորհուրդների վերաբերյալ: Քո հայտնությունը բարձր է բոլոր բանական էակներից, և իմ տկարության պատճառով անհնար է խոսել Քո ծննդյան մասին: Բովանդակ աշխարհը չի կարող ճանել Քո փառքը, Տեր. և արդ, ես՝ տկարս, ինչպե՞ս համարձակվեմ պատմել Քո մասին: Միայն Քո Հայրը գիտե Քո ծննդյան որպիսությունը, ու [ես]՝ հող և մոխիրս, ո՞ր բերանով խոսեմ Քո մասին: Քո Մորից իսկ ծածուկ է իբրև մարդ հայտնությունը Քո, և արդ, ո՞վ արդյոք կբարձրամա առ աստվածային ծնունդը Քո: Քեզ հավասար չէ և ոչ մեկը, բայց միայն Հայրը Քո. իսկ ես ինչպե՞ս երկարեցնեմ իմ լեզուն դեպ Քո ծածուկ խորհուրդները: Քո խորհուրդները անծանոթ են մաև հրեշտակներից. և ինչպիսի՞ ծայնով Քեզ ընծայեմ նվազ խոսքերիս պտուղը: Քո կառքին լծված Քերովքները երբեք չիմացան Քո տեղը. և այժմ ո՞ր կողմ ընթացան իմ մտքերը՝ պատմելու Քո մասին²: Որտե՞ղ ճանաչեմ Քեզ, ո՞ր ծածուկ խորհրդի մեջ ես, և կամ ինչպե՞ս ճանաչեմ Քո մասին, քանզի անիմանալի է Քո խորհուրդը: Իմ զգայարանները ո՞ր երկիրը թոցնեմ՝ որսալու Քեզ, և կամ ո՞ր սահմանը նայեմ՝ տեսնելու անտեսանելիի: Որչա՞փ բարձրամա միտքը՝ գտնելու անտեսանելիիդ, կամ ո՞ր շավղով ընթանա խոսքը՝ պատմելու անպատմելիիդ մասին: Ո՞ր ես գտնվում. քերովքեական կառքո՞ւմ, թե՞ Մարիամի մեջ, Քո ծնողի մոտ, թե՞ Հովսեփի մոտ՝ Հրեաստանի երկրում, հայրական ծոցո՞ւմ, թե՞ Մարիամի հարկի ներքո, հողեղեն արգանդո՞ւմ, թե՞ շափյուղա Աթոռին, հրեղեն թեների վրա՞, թե՞ Քո Տալիթա³ Մոր բազուկներից: Քերովքների ուսերի վրա՞ ես, որ Քեզ տեսնեմ այնտեղ, թե՞ Քո մեծությունը բնակվում է Սրբուհու գրկում, Քո պայծառությունը լուսափայլ էակների մե՞ջ է, թե՞ պատված ես խանձարուրի մեջ և աղքատապես դրված մսուրի մեջ: Այնտեղ, ուր չեն հասնում հրեշտակների մտքերը, բնակվում ես էութա՞մբ, թե՞ իբրև մորածին կերակրվում ես խոնարհ ստիճքներով, կառքերի սոսկալի շարժումով՝ ես օրհնաբանվում, թե՞ Քո աղքատ Մոր գգվանքն է Քեզ հաճելի, հրեղեն երեքսրբյան լեզուներո՞վ ես սրբաբանվում, թե՞ կուսական սուրբ բերանով ես գովերգվում, բանական անիվների վրա՞ ես փառավորվում, թե՞ Դավթի դստեր ձեռքերով ես շոշափվում, ամսարմին երիվարների հրեղեն կառքո՞վ ես բարձրանում, թե՞ աղքատի դստեր գրկում ես խոնարհված, անծանոթ

¹ Երբորդի հրատարակիչները /Ս. Եփրեմի մատենագրություն, հտ. Դ, Վենետիկ, 1836, էջ 9-34/ ծանուցում են, որ մեծանուն Աստվածին ինչպես այս, այնպես էլ Մտեփանոս Նախավկային նկիրված ներքողները վերագրում է Հակոբ Սրճեցուն /451-521/: Միևնույն ժամանակ ձեռագրերը մասնավորաբար Մեծնյան ներքող պահնդ էն թե՛ Հակոբ Սրճեցու /Մաշտոցի անվան Մատենադարան, ձեռ. 824, ք. 2ա-35բ, 3879, ք. 50ա, 9018, ք. 43բ-80բ/, թե՛ /ձեռագրերի մեծամասնությամբ/ Ս. Եփրեմ Ասորու /306-375/ անվամբ /ՄՄ. ձեռ. 993, ք. 12ա-16ա, 994, ք. 19բ-27բ, 996, ք. 106ռ-122բ, 1520, ք. 349ա-354բ, 3791, ք. 19բ-31բ, 8030, ք. 265ա-291ա/:

² Ակնարկում է Եզեկիել մարգարեի Տեսիլքում (Ժ) Աստվածությունը կրող կառքի անիվների տարընթաց շարժումը:

³ Երբայերեն նշանակում է՝ «աղբիկ, կոպս»։ Մրկ. Ե 41:

Էությունների կամարների վրա, Պետություններից վե՛ր եւ գվարճանում⁴, թե՛ Քո մեծությունը իջել է Կապպաթայի այրի մեջ⁵, սերովքները մեծաձայն սրբասացություն⁶ում են առաքում առ Քեզ, թե՛ ճշմարտապես կուսական կաթ են ջամբում Քեզ: Արդ, որտե՛ղ փնտրեմ Քեզ, որ ամենուրեք եւ, Եփրաթայի Բեթղեհեմո՞ւմ, թե՛ երկնքում կամ երկրի թուր ծագերում:

Նվաղեցի, Տեր, քանզի սքանչելի եւ և Քո խոսքը՝ հարուստ, իսկ ես՝ տկար, և իմ լեզու՛մ՝ աղքատ. ինչպե՛ս կարողանամ պատմել Քո մասին: Համակ սուրբ է Քո կոչումը, և իմ միտքը՝ խռովքի մեջ: Լույս եմ Քո խորհուրդները, և մութ եմ հոգևոր աչքերս ու չեմ կարող տեսնել Քեզ: Իսկ արդ, եթե լուծություն ընտրեմ՝ չար գայթակղություն կլինի, որովհետև [այն] ծուլություն է ծնում, [բայց] համարձակվել և ասել՝ մեծ ահ է. գուցե չկարողանամ: Նեղված եմ երկուսի միջև. ի՞նչ անեմ: Քեզ կտամ իմ ձայնի քնարը, շարժիր Քո մատները և Հոգուդ շնորհով արթնացրու իմ խոսքը՝ հոգևոր եղանակով պատմել Քո փառքը: Եվ քանի որ ես արժանի չեմ Դու, Տեր, խոսիր ինձ Քո մասին: Ես փող եմ, և Քո ջնորհը՝ ձայն, Դու մերգործիր, որպեսզի Քեզնով երգեմ Քո [փառքը]: Քո գործությամբ թող իմ միտքը քնի Քո պատմությունը և Քո պարգևներով թող երգեմ Քո ծննդյան փառքը: Առաջին ծնունդն անճառելի է հրեշտակներին իսկ, արժանացրու ինձ փառաբանել երկրորդը, որ Կույսից է: Միտքս չի համարձակվում մերձենալ [առաջինին, բայց] սրան հպվում եմ Քո սիրով խոսելու: Այն անճառելի է մույնիսկ հոգեղեն լեզուների համար, [մի՞նչդեռ] սրա մասին թերաճ իմ փափագում է խոսել, քանզի շնորհով է: Մշտնջենավորին սերովքներն իսկ չեն համարձակվում մայել, [մի՞նչդեռ] Նրան, որ այսօր եղավ, հովիվները մերձեցան: Թե առաջինն ինչպես եղավ, միայն Հայրը գիտե, [մի՞նչդեռ] Սրա լիցելու օրն ազդարարեց ամբողջ աշխարհն իր լրտմով: Այն օտար է մույնիսկ երկնավոր դասերի համար, մի՞նչդեռ այս մոտիկ է Արևելքի մոգերին իսկ: Առաջինն անծանոթ է Քերովքներից, [բայց] մերձավոր է այս երկրորդը, որովհետև ողորմություն հեղեց մեր վրա: Եվ եթե այս ստուգապես հայտնի չէ քննողներին, ապա առաջինի մասին ո՞վ կհամարձակվի պատմել: Հարկավոր չէ զննել ո՛չ հայրականը (ծնունդը) և ո՛չ կուսականը, որովհետև [երկուսն էլ] զարմանալի և անպատմելի են: Առաջին ծնունդը վեր է ժամանակից, բոլորից գաղտնի է և այս վերջինը՝ քողարկված կուսական մատանիով: Առաջինի մասին տեղ չկա ո՛չ խոսելու և ո՛չ մտածելու, բայց այս երկրորդ հրաշքը ապշեցնում է դպիրներին անգամ: Արդ, լռեցե հեռավորի մասին, որ չի պատմվում, և գամք մերձավորի մոտ, որ չի բացատրվում:

Եվ արդ, իմ անարժանության պատճառով մի արհամարհիր ինձ, որպեսզի փափագեմ, և քանի որ անկարող եմ մի մերժիր ինձ, որպեսզի փառաբանեմ: Տեր, մայիր իմ կամքին՝ թե ինչպես է Քո փառքին պատրաստ, որովհետև իմ լեզուն սնոտիաբար չի պարծենում՝ պատմել Քո մասին: Եվ ինչը գեղեցկադիր պսակ չէ խոսքիս մեջ, ինձամից չէ. որովհետև ամեն տեսակ պատվական ակնեղեն, որ Քեզնից առա, ընդելուզելու եմ սրա մեջ: Եվ եթե իմ խոսքի կարգը հաճելի չէ, բայց [չէ՞ որ] Դու ես շնորհել այն՝ Քո մեծ խորհուրդը չի փոքրանա իմ նվաստ բերանի մեջ: Եթե թոթովախոս մեկը թագավորի անունը հորջորջի՝ մի՞թե կպակասի թագավորի անունը հախուռն խոսքից: Նույնպես և, եթե տգետ մեկը

⁴ Համաձայն Ս. Դիոնիսիոս Արիսպագացու, «Պետությունները» (Եփես. Ա 21, Կողոս. Ա 16) մերկայացնում են երկնային իմաստիճան մփրապետության երրորդ եղանակ առաջին դասը. The Armenian Version of the works attributed to Dionysius the Areopagite, ed. by R. W. Thomson, Lovanii, 1987, p. 1-53:

⁵ Թովհ. ԺԹ 13:

ճառի Աստվածության պատմությունը, Աստվածությունը չի վճարվի նրա տգիտությունից: Եվ այժմ, Տեր, ես այս դաշինքով մերձեցնում եմ Քեզ՝ ոչ թե սահման դնելու Քո խոսքին, այլ սրտիս հոժարությունը հայտնելու իմ պատգամներով: Փոքրիշատե խոսեմք շնորհների մասին, որ տրվեցին Ադամին: Համզի Տերն իջավ մորոզելու ընկած և խորտակված իր պատկերը, [ուստի] իմ խոսքերով գովության պատկերն պիտի հյուսեմ և մատուցեմ Նրան, որ հոժարեց ծնվել Կույսից մեր փրկության համար: Արքունական թագ պիտի ստեղծեմ և մատուցեմ թագավորների Թագավորին, որն իր մեծությունը խոճարհեցրեց և իջավ աղքատների հարկի ներքո: Պիտի առնեմ իմ ձայնի պտուղը և մտնեմ նրա առջև, որ, անճառելի լույս հագած, հանձն առավ մարմին հագնել Դավթի դուստրից: Իմ խոսքի պատարագը երկրպագությամբ մատուցելու եմ Հաճախապետին, որ եկավ պատարագ լինել հանուն մեղավորներիս: Իմ լուսման ընտրողությամբ պիտի բերեմ քաջ հովվապետի սեղանին, որ եկավ Գառ լինելու՝ Հորից առաքված: Իմ խոսքը պիտի իմաստասիրաբար կրկնեմ՝ պատմելու Աստուծո Բանի մասին, որ անփոփոխելի մարմին եղավ և բնակվեց մեր մեջ:

Ողորմության քուրաչից քաղեց առատ գութը, որ դրոշմեց Ադամին՝ առնելու նրա մարմինը, որպեսզի վերստին մորոզի նրան: Օմորհի անսահման ծովից դուրս եկավ վտակը՝ այն, որ ստեղծեց պատկերը, որպեսզի մաքրափայլ սրբի նրան հանցանքների աղտից: Մեծ Արքան կամեցավ առաքել իր Որդուն՝ փրկելու այս աշխարհը չարի գերությունից և կոապաշտության մոլորությունից: Նրա գալուստից առաջ քազմացան կանխասացները և քվանդակ տիեզերքում ավետարանեցին քարի համբավը: Սպառնացին հալածողի քարոզիչները, բայց չվախեցավ նրանցից, նրա վրա արձակեցին իրենց նետերը, բայց չենթարկվեց գերության: Ողորմածը տեսնելով, որ աշխարհը տկարացնում է, և թշնամին՝ գորացնում, իր Որդուն առաքեց՝ ետ բերելու ավարը գերողից: Տերը հրեշտակապետին հրամայեց հրեշտակներին պատրաստել տալ իր ճանապարհը, որպեսզի իջնի և բնակվի Կույսի մեջ: Հորից անբաժանելին հրամայեց նրան փառքի Աթոռից և առաքեց իր ոտքի պատվանդանի մոտ, ինչպես ասում է, թե՝ «Երկիցքը իմ Աթոռն է և երկիրը իմ ոտքի պատվանդանը»⁶: Արդ, որտեղի՞ց դուրս եկավ կամ ո՞ր գնաց կամ ի՞նչ հարկ կար պատգամախոս⁷ լինել նրա առջև, և ի՞նչ պատճառով առաքեց Նրան. որպեսզի ոչ թե հոգեղենները փութով ընդառաջ գնան նրան և կամ հրեղենները, կիզող հուր թորթոքելով, Նրան հասնեն: Նրա ընթացքը սուր է առավել, քան Հերոսիսներիցը, Նրա թռիչքը արագ է առավել, քան Սերոփներիցը: Փայլակն ասպատակում է և չի հասնում Նրան, հողմը հեշտում է և չի կարողանում նրանից անցնել. սուր է բնությամբ և արագ՝ ընթացքով: Եվ արդ, ինչո՞ւ իրենից առաջ ուղարկեց հրեշտակին՝ ողջունելու և ավետարանելու Կույսին իր գալուստը. թերևս, որպեսզի չգարհուրի Օրհորդ Մայրը, երբ Մանկանը որովայնում տեսնի առանց սերմի: Եվ դարձյալ, այն պատճառով հրեշտակին ուղարկեց, որ Մարիամը հասկանա, թե Ով է բնակվում իր մեջ և կամ Ում է կրում իր կուսությամբ:

Հրամանը հասավ հրեշտակին, և մա փութաց, որպեսզի չհապաղի գնալիս: Խոսքը, որ լսեց Գաբրիելը, ոչ ոք չիմացավ, քանզի գաղտնի ասվեց Բարձրյալի

⁶ Գործք է 49:

⁷ Բնագրում՝ «հրեշտակ», որ այստեղ ունի պատգամավորի կամ պատգամախոսի իմաստ:

կողմից: Սուրբ Գրքից լսեցի՞մք միայն առաքվելու մասին, բայց որպիսությամբ վերաբերյալ չլսեցի՞մք, որովհետև ամհասանելի է: Բայց այս գիտե՞մք հաստատապես, թե ի՞նչ լսեց՝ մույնը ասաց Կուսին, և ի՞նչ սովորեց՝ մույնը ավետարանեց Աստվածամորը: Ծառան ընդունելով մեծ Թագավորի հրովարտակը և արագորեն թույլեղով երկնավորների դասերի միջով՝ քայլեց գնդերի վրայով և չշվարեց դասապետաց [մերկայությունից]: Անցավ բազմության միջից և չգարհուրեց լեգեոններից: Ընդեցեց կրակը, պատռեց հողմը, ոտքի տակ առավ կայծակները, դուրս եկավ մշուշի միջով և գնաց լուսեղեն ճամապարհով: Հրեշտակներին թողեց իրենց բնակավայրում և անցավ մրանց միջով, լքեց հրեշտակներին իրենց կայաններում և քաժանվեց մրանցից: Ալանալով երկմքից՝ իջավ երկիր և հասավ Մարիամին: Ծառան տեսնելով Թագավորի Մորը՝ գլուխ խոնարհեց մրա առջև, տվեց ողջունելի հրովարտակը՝ Բարձրյալի կողմից գրված: Եվ իմաստուն բանականը սկսեց ընթերցել. «Ողջույն Բեզ, Օրհմվածո կանանց մեջ, Տերը քեզ հետ է»⁸: Եվ աղավճին տեսնելով թագավորական թռչունին՝ խիստ երկյուղեց, որովհետև չգիտեր, թե ով է և ի՞նչ է փնտրում կամ որտեղ է մրա բնակավայրը և կամ ով է մրան առաքողը: Այն բանից, որ ասաց, թե՝ «Տերը քեզ հետ է», իմացավ՝ ծառա է, բայց մրա Տիրոջը չգիտեր՝ ով է: Մարիամը հրեշտակին ասում է. «Ասա ի՞նչ, ո՞վ է քո Տերը, կամ ո՞րն է Նրա աշխարհը. գուցե ուրիշ մեկի հետ շփոթեցի՞ր ի՞նչ, քանզի անտեղյակ եմ քո Տիրոջից, ուրեմն քո խոսքերն իզուր են: Երբևէ Նրան տեսե՞լ ես և կամ ի՞նչ ես խոսել Նրա հետ, որ քեզ առաքեց ի՞նչ մոտ: Արդյոք լսե՞լ ես Նրա ձայնը կամ թե եկել ես խաբելու՞ համար, ի՞նչ նպատակով ուղարկվեցիր, և կամ ի՞նչպիսի՞ն է մրա կերպարանքը, որովհետև դու՝ սքանչելիդ, Նրան Տեր ես անվանում: Նմա՞ն է քեզ, թե՞ քեզմից առավել է. քեզ մնան երևելի՞ է, թե՞ քեզմից պայծառ, քեզ պես փառավոր է, թե՞ անպատմելի է Նրա փառքը: Եթե դու՝ ծառադ, լույսն ես հագել իբրև վերարկու, ապա քո Տերը համակ հուր է անմեղձեմալի, եթե քո տեսքը արեգակից ավելի [գորավոր] է ճառագայթում, ապա եթե արեգակը մայի քո Տիրոջը՝ կխավարի: Եթե քո փայլատակումներից ծխեց տաճարս⁹, ապա քո Տերը եթե մոտենա լեռների՞ն՝ կհալեցնի մրանց: Եթե քո ընթացքից կայծակներ են ցայտում, ապա քո Տերը կայրի ապառաժ քարերը մրանց վրա քայլելիս: Եթե, չմայած դու ծառա ես, քո պատմումանը հուր է ցողում, ապա քո Տերը կարող է իր գործությամբ անշիջանելի հուրը ոչնչացնել: Եթե քո ձայնն իբրև գործությունների ձայն հասավ իմ լսելիքին, ապա պարզ է՝ եթե քեզ առաքողը խոսի՝ երկիրը կողոպտի: Եթե քո շուրթերից որոտ է դուրս գալիս, ապա քո Տիրոջ ձայնը քարերն էլ կհեղձի: Ծառա՞ ես դու, թե՞ ծառաների տեր. մի ծածկիր ի՞նչամից, որովհետև զարմացել եմ քո վրա: Ո՞վ է քո Տերը, ի՞նչ է Նրա անունը և ո՞ր ազգից է կամ աշխարհից. մեր գավառակի՞ցն է, թե՞ հեռավոր մեկը. ամեն ի՞նչ ասա ի՞նչ:

Հրեշտակը պատասխանում է. Ո՞վ սրբուհի, թող լինի քո խոսքը. իմ Տերն անտեսանելի է, Նրա երկիրն՝ անծանոթ, և Նրա անունը՝ Սքանչելի¹⁰: Բարձր է մեզամից և՛ ծածուկ, առավել է մեր մտքերից և խորհուրդներից: Հայրական ծոցում

⁸ Դուկ. Ա. 28:

⁹ Նկատի ունի իր անձը:

¹⁰ Տե՛ս Եսայի Թ. 6:

է և այժմ իջել է քո մեջ: Ինչո՞ւ ես քննում Նրամ. ի՞նչ անտեսանելի է, բայց քեզ՝ իր ծնողի՞ն՝ թերևս տեսանելի (դառնալ): Հեռու է մեր տոհմից, և, ինչպես ասացի, չգիտեմ Նրամ: Միայն ձայնը լսեցի, բայց տեսքի՞ն հասու չեղա, լսեցի քեզ մոտ գալու մասին և ավետարանեցի. տես, ահավասիկ քեզ հետ է, Իրեմից իմացիր ճշմարիտը:

Մարիամը զարմացավ հրեշտակի սքանչելի խոսքերի վրա և չցանկացավ լռել, քանզի իմաստուն էր, փութաց իմաստությամբ հարցմել և հրեշտակից իմանալ ճշմարտությունը. Ո՛վ հրեշտակ, եթե չբացատրես քո խոսքերը, չեմ ընդունի՝ ինչ խոսեցիր իմ ականջներին: Հապճեպ լսող չեմ մայր Եվայի մեամ, որ հավատաց մի խոսքի և մահ ճաշակեց: Չհարցրեց իրեն խրատ տվողին, թե ինչպե՞ս կաստվածաճամ ծառի պողով, որովհետև եթե հարցնեմ՝ կհաղթեմ և չէր գրկվի շնորհներից: Արդ, թույլ տուր ինձ հարցնելու և մի՛ ծանծրացիր ինձանից: Օձի լուրը առավել սքանչելի չի լիմի քոնից, եթե մրա բացատրությունից ավելի՞ն [ասես]: Նրա պես տղայաբարո չեմ, որ ծուղակ դարձավ իր ամուսնու համար: Եթե ճշմարտությունը չհայտնես, քեզ չեմ թողնի ազատ: Նա բնությամբ կամեցավ աստվածանալ, և ինձ ավետարանեցիր ծնել առանց ամուսնության: Ամենար է՝ լիմի այդ, ինչ քեզանից լսեցի, որովհետև իմ բոլոր օրերի մեջ «տղամարդ չեմ ճանաչել»¹¹: Ե՞րբ է արգանդը ծնել առանց ամուսնության և կամ այդ ե՞րբ եղավ կանանց տեսակի մեջ: Ո՞ր հողմ արդյունք ամենքեց առանց սեռմի և կամ ո՞ր որթը ողկույզ տվեց առանց խմամվելու, ո՞ր ծառը պտուղներ հասցրեց առանց ջրի և կամ ո՞ր ցորենի կապոցը կալամեջ եկավ առանց հողագործի: Ո՛վ տեսավ հղիացած կին առանց տղամարդու մերձավորության և ո՞վ կլինի ծննդականների կարգում առանց գուգավորության: Ո՛վ է տեսել կույս արգանդում երեխա և կամ հղիությունից հետո ո՞վ է պահել կմիքը: Եթե չբացատրես՝ ինձ համար դժվար կլինի հավատալ:

Երբ հրեշտակը լսեց խորունկ հարցումներն [այս], խիստ զարմացավ և ասաց՝ ինչ լինելու էր: Համճարեղ դպիրը մայելով կույսին, որ հոժարությամբ էր լսում ճշմարտության մասին, պատրաստվեց բացատրել իսկությունը: Տեսնելով, որ մա ամվեհեր է [իր] պատասխանների մեջ՝ արեց հրեղեմ լեզուն՝ պատմելու օգտակարը. Մի կարծիր, թե խաբում եմ քեզ, դուստր Դավթի. ճշմարիտ եմ իմ պատգամները, ընդունիր իմ խոսքերը ընտրողաբար: Ոչ թե մեծգամիտ պատգամաբեր եմ, որ կասկածում ես ինձ, հավատա ա՛յն՝ իմ խոսքերը ուղիղ եմ: Օձի մեամ չեմ, որ խաբեց քո մորը եղեմում: Եթե ուշ դնես խոսքիս գործությամբ, [այն] քեզ կուսուցանի: Ոչ թե քեզ խաբում եմ՝ [դրդելով] Աստվածությունը հափշտակել, այլ իմ Տիրոջն եմ փառաբանում և Նրա ողջույնը պարգևում քեզ: Ոչ թե օձի մեամ իմ Տիրոջն եմ չարախոսում քեզ մոտ և ոչ էլ լույսից եմ գրկում քեզ, ինչպես դրախտում [էր]: Ոչ թե անարգ տերևից զգեստ եմ հագցնում քեզ, այլ անապական զգեստ քերում, որպեսզի հագցնես քո հորը՝ Ադամին: Իմ Տերը ճշմարիտ է, և ես ճշմարտությունն եմ քարոզում քեզ: Եվ քանի որ հարցրեցիր, թե՝ «ինչպե՞ս կլինի», լսիր և իմացիր. «Ճշմարտապես Սուրբ Հոգին կգա քո վրա և Բարձրալի գործությունը հովանի կլինի քեզ»¹²: Մանուկների ստեղծիչն իր մարմինը գոյացնում է քո մեջ ու զգեստավորվում, և Ամեն [էություն] Որդին ծնվում է քո կուսությունից: Աշխարհի ճարտարապետը իջնելով քո սուրբ արգանդը՝ քո որովայնի ոստայնի մեջ հյուսում է իր հողեղեն հանդերձը և զգեստավորվում: Բարձրալի

11 Ղուկ. Ա 34:

12 Ղուկ. Ա 35:

Ջորությունը մարմնացում է քեզմից և չի փոփոխվում, և քո սրբությունից թանձրացում է անեղ Բանը և մարդանում: Քո մաքուր բովի մեջ ծուլում և դրոշմում է Ադամի պատկերը, և ամենակալ Աստվածը խոնարհվում է՝ քեզմից ծնվել: [Ադամորդու] Գկարագիրը, որ եղծեց չարը, նորոգում և միավորում է Իր էությանը և նրանով փրկագնում աշխարհը բռնավորի ծառայությունից: Անժամանակը սկսվում է քո որովայնում և մարդկորեն մարմնացալով աշխարհ է գալիս: Ահավասիկ բնակվում է քո մեջ և քաճակած չէ Հորից, եկել է քեզ մոտ, և Նրանով է լեցում երկինքն ու երկիրը: Հարկ չէ քեզ մերձավորվել և հետո հղիանալ, որովհետև այդ սահմանված ամուսնություն է, որ [արդեն] քո մեջ է: Չպետք է մտնես հաղորդակցության մեջ և հետո մայր դառնաս, որովհետև քո Որդին այն հաղորդությունը լծեց բոլոր տոհմերին: Քեզ չի մերձենա տղամարդ՝ մրանից պաղաքեքվելու [համար], որովհետև քո կուսության պտուղը Բարձրալի գորությունն է: Քո կուսության կնիքը չի եղծվի, որովհետև լուսափայլ ճառագայթ է ծագում և բնակվում քո մեջ: Քո մտքից արտաքսիր մարմնական խորհուրդները, որովհետև քո Մանուկը Աստուծո Որդի է, և այլևս մի քննիր և մի խորհիր, թե՛ ինչպե՞ս, ո՞ր և ինչո՞ւ համար, քանզի Հորից ծնվածը անքննելի և անհասանելի է: Եվ որպեսզի հայտնապես հավատաս իմ խոսքին, քեզ հրաշք ցույց կտամ՝ ի հաստատություն քո սրտի: Ահավասիկ քո ազգական Եղիսաբեթը, որ ծեր ու ամուլ է, հղի է, և իր օրերի վախճանին մանուկ պիտի ծնի, և այս վեցերորդ ամիսն է ամուլ կոչվածի, որպեսզի ամենայն ինչի մեջ չտկարանա Աստուծո գործը: Եվ մա կվկայի իմ խոսքերը, քանզի Աստուծո համար ամեն ինչ դյուրին է: Եթե չորացած ամուլ որթը պտուղ է տալիս, ինչո՞ւ պիտի անհնարին լինի քո կուսությանը հղիանալ: Անքննելի է քո գավակը ու եմթակա չէ զննության, և Նրան այլ կերպ չի կարելի փնտրել, բայց միայն՝ սիրով: Եվ երբ ուղարկվեցի՝ նրա ավետիսը քերել, չհամարձակվեցի հետազոտել, այլ ինչ լսեցի Նրանից, առանց հակառակության ավետարանեցի քեզ: Չհամարձակվեցի հարցնել, թե ինչո՞ւ կամ ինչպե՞ս, այլ լուրջամբ ընդունեցի Ահավորի հրամանը:

Տեսեք, ընտրողներ, քանզի կամ հարցումներ, որ օգտակար են, և կամ հարցումներ, որ չարիք են պատճառում: Կա մեկը, որ քննում և չի մվազում, որովհետև ճշմարիտ է, և կա մեկը, որ քննում է, և նրա գործը հանգեցնում է տառակուսանքի: Հարցումների միտքը երկու պատկեր ունի. մեկը՝ սիրո, և մյուսը՝ հակառակության: Մարիամը, որ սիրով հարցրեց, չմեղադրվեց, որովհետև կամեցավ իմաստությամբ իմանալ ճշմարտությունը, և Ջաքարիան քանի որ երկմտությամբ հարցրեց, դատապարտություն ընդունեց պապամծնով: Երկուսն էլ միևնույնը հարցրեցին մույն վարդապետին, բայց երկուսին մույն պատասխանը չտվեց: Հրեշտակը դատապարտեց քահանային, որովհետև սա ասաց, թե՛ «Ինչպե՞ս իմանամ այդ»¹³, և Կույսին շնորհեց բացատրության պսակը՝ առանց մեղադրանքի: Եվ դարձյալ Թովմասը, որ չհավատաց, որվատվեց նրա հավատքը, քանզի նրա անհավատության որովայնը ճշմարտություն ծնեց: Եվ ման, որ չերկմտեց՝ մահ ճաշակեց, որովհետև հարցրեց, բայց չքննեց, հավատաց, բայց չհարցրեց, [ուստի] կործանվեց: Ծերունի Ջաքարիան համբաքավ, որովհետև հարցրեց, քանզի տեղ կա, որ հարկ չէ հարցնել: Մարիամը, որ քննեց, արգելեց հերձվածողներին՝ հարցաքննել, որովհետև եթե ինքը չհետախուզեր, բազում գայթակղություններ կլինեին աշխարհում իր Ջավակի պատճառով: Երբ «Տերը քեզ հետ է» [խոսքը] լսելուց [հետո] լուր, հայհույանքներն իբրև ծովի ալիք կխեղդեն այս

¹³ Չուկ. Ա 18:

աշխարհը: Եվ եթե հրեշտակը հայտնապես մեկնաբանեց, ու [այսուհանդերձ] տակավին բազում են գայթակղությունները, ապա եթե Կույսը չհարցներ, և հրեշտակն էլ չբացատրեր, ինչե՞ր չէին կատարվի:

Կամանք մեջ օրհնված է Մարիամը, որ քմենց ճշմարտությունը և հրեշտակից իմացավ կատարյալ իսկությունը: Առանց հարցումի լռում է պատասխանը և առանց քննողի չի հայտնվում բացատրությունը: Երբ հարցրեց, թե՝ «Ինչպե՞ս կլինի այդ ինձ», լսեց, թե՝ «Սուրբ Հոգին կգա քո վրա, և Բարձրյալի զորությունը հովանի կլինի քեզ»: Եվ արդ, եթե Սուրբ Հոգին և Բարձրյալի զորությունը բնակվեց Կույսի մեջ, ո՞վ կհամարձակվի նրան կրտսեր ասել Հորից, քանզի Բարձրյալի զորությունը սիրելի Որդին է, և ինքն իսկապես Աստուծո իմաստությունն ու բազումն է¹⁴: Ո՞վ կմերթողի ճշմարտությունը Գաբրիելից առավել և կամ հրեշտակապետի մամն ո՞վ կկռի իսկությունը խոսքով: Ո՞վ էր հրեշտակի մամն տեղյակ գաղտնի խորհուրդներին, ո՞վ էր լողանում կայծակների խորքում, եթե ոչ՝ հրեղեն [էակը]: Ո՞վ կարող էր պատմել Աստուծո Որդու մասին, ինչպես իր պատգամավորը, և կամ ո՞վ էր հավատարիմ իր Հոր սպասավորի մամն: Եթե նրան [որպես] իր խորհրդակիցը ներկայացրեց, թե՝ «Բարձրյալի զորությունն» է, և [այսուհանդերձ] տակավին ոմանք հանդգնեցին մվաստացնել Նրա ծնունդը, ապա ինչպիսի՜ չարիք ասես չէին գործի հերետիկոսները, եթե լռեր: Տես, Մարիամի հարցումները որքան բարի են, քանզի եթե լռեր, այնպիսի ճշմարտություն չէր ծագի աշխարհի վրա: Հարցրեց, իմացավ, և այնուհետև չթերացավ: Մաքրեց զգայարանները և սրբագործեց հաղցնողների բերանները, կնքեց խոսքերը, որպեսզի և ոչ մեկը չքննի անքննելին: Իր սրտից արտաքսեց ամեն տեսակ խորհուրդները և իր սենյակը սիրով ցողեց սրբի առջև: Իր տունը լցրեց սրբությամբ ու առաքինությամբ և նրա պատերը զարդարեց արդարությամբ գործերով: Խոնարհությամբ նրան կապեց լուսավոր մարգարիտներ, հեզությամբ՝ զանազան ակնեղեն, և լուծյամբ՝ անուշաճուր ծաղիկներ: Կուսական պատմութեամբ հանդարտեցրեց արքունական աշխարհը և նրա վրա սփռեց ճշմարտության պայծառ հանդերձները: Իր լապտերի մեջ լցրեց ողորմածության գովելի ձեթը և լուսավորեց իր տաճարը աստվածային իմաստությամբ: Ջերմ հավատով վառեց իր բուրվառը և իր աղոթքը բուրեց անուշաճուրությամբ: Նրա մեջ դրեց խունկ՝ օրհնության ընդունելի ձայն, և իր տաճարից անդադար բարձրացավ փառաբանության հնչյունը:

Մեծ Թագավորից դուրս եկավ հրամանը, և նրանից հետո Թագավորի Որդին մտավ լսելիքի դռներից ներս: Երբ Կույսը հրեշտակին ասաց, թե՝ «Ահավասիկ ես մնում եմ Տիրոջ աղախինը, թող քո խոսքի համաձայն լինի ինձ»¹⁵, խոսքը պարզեց և Մանուկին ընդունեց իր ծոցի մեջ: Այնպես չէ, ինչպես ասում են ոմանք, թե հրեշտակի գալուց առաջ իջավ Կույսի մեջ. բայց եթե մույնիսկ այդպես էլ լիներ, զարմանալի չէր լինի: Բայց հարկ էր մախ ավետարանել Կույսին և նրա բարի կամքով և սուրբ ազատությամբ ընդունել Նրան: Աստուծո համար պարծանք չէր հրեշտակին կամխել, այլ գովելին այն էր, որ խոնարհությամբ լիներ Նրա գալուստը: Ինչպես Մովսեսը, որ ժողովրդին լուր բերեց, թե՝ իջնում է

¹⁴ Հով. Ա 51, Ա Կորնթ. Ա 24:

¹⁵ Հով. Ա 38:

Բարձրյալը, և երբ ծերերն ու Մովսեսը սրբվեցին, այնժամ Բարձրյալը իջավ Սիմա լեռան վրա¹⁶, [ճիշտ] այդպես էլ Գաբրիելը ավետեց, և մա մաքրվեց Սուրբ Հոգով և աստվածաբնակ տաճար եղավ: Մարիամի մեջ ծագեց լուսափայլ ճառագայթը, բայց չբաժանվեց Հոր էությունից: Իջավ և բնակվեց անարատ ճառագայթը, բայց չբաժանվեց Հոր էությունից: Իջավ և բնակվեց անարատ սրբուհու մեջ, բայց [շարունակվեց] փառավորվել Հոր աջ կողմում, բարձունք-մերում: Մտավ հողեղեմ արգամդի մեջ, բայց երկինքը լի է Նրա փառքով, [մտավ] Կույսի ծոցը, [բայց] և՛ քերովքեական կառք, ամբողջապես՝ Մարիամի հետ, [բայց] և ամբողջապես իր Հոր հետ և բոլորի հետ: Նստած է Քերովքեաների վրա, [բայց] և հագել է մարմին, և [միաժամանակ] գտնվում է բոլոր սահման-մերում: Երկնային դասերը զարհուրում են, [վերին] բազմությունները՝ հիացում, Զորությունները՝ սքանչանում, բանակները՝ դողում, զենքերը՝ գոչում, հրեշտակ-ները՝ բարբառում, Քերովքեաները՝ օրհնում, սրբասաց Սերովքեաները՝ վերառաքում փառաբանություն մեր մեծությանը, բայց ինքը բնակվում է Կույսի որովայնում, որին հոժարեց երկրորդ երկինք դարձնել երկրի վրա: Նա, որ իր ձեռքով բռնելով աշխարհի սառնը, կառավարում է այն, Մանուկ եղավ Կույսի մարմնեղեն արգամդում: Բովանդակ երկիրը չափել է քլով¹⁷, [բայց] և այն տեղավորել Մարիամի փոքրիկ ծոցում: Նրա իշխանությունը սփռված է երկնքում և երկրում, բայց ինքը բազմել է իր աղայսնի և իր Մոր արգամդում: Ինքն է արարում մարդկանց պատկերը կանանց որովայնում և նույն ինքն է, որ նկարում է իր մարդեղության պատկերը: Ինքն է ձուլում բանական էակների աճները էգերի որովայնում և նույն ինքն է նյութագործում իր մարմինը Մարիամի մեջ ու իրեն միավորում և Կույսից առնելով դրոշմում իր աճի անդամներից և զգայարան-ներից: Կենդանություն է փչում բոլոր մարմինների մեջ և նույն ինքը մարդկային ցեղից շնչավոր մարմին դառնում:

Սրբուհու միտքը և խորհուրդները լուսավորվեցին Աստվածորդու միջոցով, որ կրում է իր մեջ: Պայծառացավ և փայլեց մեր գեղեցկությունը, ցմաք և ուրախա-ցավ արքաների Տիրոջ համար, որ բնակվում էր մեր մեջ: Եվ է՛լ ավելի էր զարմանում, զարհուրում, ամաչում, երկնում և դարձյալ քաջալերվում, ուրախա-նում, փառավորվում, պայծառանում: Գնաց Եղիսաբեթի մոտ և ողջունեց ամուլին իր տան մեջ: Կրելով խաչների Տիրոջը՝ Կույսը ելավ տեսնելու ամուլ ոչխարին, որ պատրաստվում էր ծնել գեղեցիկ գառունկին: Ամբիծ աղավմին Հոգու զորու-թյամբ թևերով թռչելով հասավ Հուդայի քաղաքը՝ տեսնելու արծվի ծեր ծագին և ուրախանալու մեր հետ: Եղմիկն ընթացավ տեսնելու ամուլին, որ կրում էր գեղեցիկ եղջերուին, և գնաց տեսնելու Ահարոնի դստեր¹⁸ մանուկ որթին: Նստած իր փառքի կառքին Թագավորը գնաց տեսնելու և ողորմածությամբ ողջունելու իր ծառային: Աստվածաբնակ տաճարը հետիտում գնաց, որպեսզի լուսավորի աղքատի որդուն՝ մախակարապետին, իր հոր տան մեջ: Եվ երբ ծառան տեսավ Թագավորին [այդքան] մոտիկ, խիստ վախեցավ և դողալով երկրպագեց Նրան: Փայլեց Արարչի զորությունը, և Մանուկը խաղաց որովայնում ու խալտաց, ցմաք

16 Տե՛ս Ելք ԺԹ 18-20:

17 Հմմտ. Եսայի Խ 12 (քիւ = բութ մատի և ցուցամատի բացվածքի չափը):

18 Նկատի ունի Հովհաննես Մկրտչի մորը՝ Եղիսաբեթին. Ղուկ. Ա 5-25, 38, 39-80:

իր մոր արգամդում¹⁹: Ծածուկ կերպով գոչեց Աստուծոյ Կորյունը²⁰, որի մասին խոսեց Հակոբը, և ղևտացի որթը²¹ երկյուղեց Նրա ձայնից: Ուրախությամբ խայտում էր Մանուկը Թագավորի Որդու առջև, ինչպես խայտում էր նրա հայրը՝ Դավիթը, Տապանակի առջև: Նեղեց իր մորը՝ փութով դուրս գալ [լույս աշխարհ] և երկրպագել Թագավորին և Նրա Մորը: Այնժամ Եղիսաբեթին պարգևեց Սուրբ Հոգու շնորհներ՝ քարոզելու և Իր Մորը հայտնելու ճշմարտությունը: Մարգարեության մատը շարժեց Ահարոնի դստեր քնարի վրա, և սկսեց մեծ ձայնով երգել ապագայի մասին. «Որտեղի՞ց ինձ այս, որ իմ Տիրոջ Մայրը ինձ մոտ գա»²², և [որտեղի՞ց] Հզորի Որդուդ՝ գալ աղքատների որդիների մոտ: Որչափ երանի է ինձ, քանզի տեսա քեզ՝ երանելիիդ՝ մոր երկնքիդ, որ երկրի վրա եղար և եկար ինձ մոտ: Բեզամից նվաղ է քերովքեակամ կառքը, որովհետև նա [լույ] մանուկությամբ կրեց քո Որդուն, և դու՝ ճշմարտությամբ: Բո զգայարամներն առավել պայծառ են, քան բոցեղեն ամիվները, որովհետև Նա, որ բնակվում է քո մեջ, ինքսին շարժում է նրանց և վարում: Սինայական լեռան ամպից և մեզից ավելի ահավոր ես, քանզի ահավասիկ քո մեջ է իջել Այն, որ էր և է, ինչպես Մովսեսն ասաց²³: Ահա երբ քո ողջույնի ձայնը հասավ իմ ականջիմ, ցնծալով խաղաց մանուկս իմ որովայնում և շատ նեղեց ինձ՝ դուրս գալ, եթե քո Որդու զորությունը չարգելեր ինձ: Խիստ ուրախացավ Մարիամը, որովհետև ամուլն էլ վկայեց իր հղիությունը: Մարիամը նրա մոտ մնաց գրեթե երեք ամիս:

«Ու Եղիսաբեթի»՝ ճշմարտությամբ քարոզիչին «ծննդաբերելու ժամանակը լրացավ»: Եկավ-ընկավ Մարիամի առջև, աղաչեց նրան և ասաց. Եկար ողջույնով, գնա խաղաղությամբ, մեծ Թագավորի Մայր, քանզի պատշաճ չէ Արքային՝ պաշտել ծառային: Բարի չէ ծառային քազմել և Տիրոջը՝ նրա առջև կանգնել, ամկարելի է կրակին ծառայել չոր ճյուղերին: Արի, առ և գնա արդարությամբ Արեգակիդ հետ, որովհետև եթե Դրան տեսնի իմ փոքր ճրագը, կնվաղի Դրա լույսից:

Թագավորը վերադարձավ ծառայի տնից և եկավ Իր Մոր տուն: Կույսը, որ կրում էր ռազմորյա Մանկանը, եկավ Հովսեփի մոտ: Նրան տեսնելով Հովսեփ արդարը շատ զարմացավ: Նայում էր նրա հեզությանը, ամոթխածությանը և մեծապես զարմանում հղիության վրա: Գիտեր, որ սուրբ էր ամենով և մաքուր՝ սրտով, և չգիտեր, թե ինչ ամի, որովհետև Մանուկը խաղում էր նրա որովայնում: Պայծառ էր տեսքով և պարկեշտ՝ կերպարանքով, և քանի որ կրում էր Մանկանը՝ արդարը չէր հանդարտվում: Տեսնում էր նրա առաքինության հրաշալի վարքը և երկյուղում, նայում էր հղությանը և հուզվում: Եվ ինչքան Հովսեփը ողջախոհ էր գտնվում և ամոտեսում կատարված բաները, այնքան որովայնն ինքնին աղաղակում էր Մանկան մասին: Եվ ինչքան նա կամենում էր պահել գաղտնիքը, որպեսզի չհանդիմանվի, բայց տեսնում էլ այլոց, որ ականարկում էին մեկմեկու [կատարվածի] մասին]: Եվ ինչքան խորհում էր չհանդիմանել սրբոհում, տեսնում

¹⁹ Դուկ. Ա 41:

²⁰ Ծննդ. ԻԹ 9. ականարկում է Հիսուս Բրիստոսին::

²¹ Նկատի ունի Հովհաննես Մկրտչին, որ զավակն էր ղևտական դասի շառավիղ Ջաքարիա քահանայի:

²² Դուկ. Ա 43:

²³ Տե՛ս Ելք 9 14:

Էր շատերից, որ մատնացույց էին անում նրան: Հովսեփը նեղված էր Մարիամի հղության պատճառով և երկյուղում էր սրբության մասին խոսել ու չէր համբերում լռել: Եկավ հեզությամբ և սկսեց խոնարհությամբ խոսել. Ասա ինձ, Տալիթա, ի՞նչ է անգիտությամբ [կատարված] քո հանցանքը, երեսի մայ, ո՞ր ընկղմվեց քո արագընթաց շարժումը, և կամ ո՞ր ծովը խորասույզ արեց քո ծանրագին վաճառականությունը: Ամբիժ աղավթի, ո՞վ կտրեց քո գեղեցիկ թևերը, և կամ ո՞վ փետտեց քո մանկության ծաղկագույն փետուրները: Հեզ և խոնարհ դու ծով, ո՞վ գողացավ քո մարգարիտները, և կամ ո՞ր ավազակը հափշտակեց քո մատանիների կնիքը: Ամուր քաղաք, ո՞վ կործանեց քո պարիսպը և քո գործերը գերեվարեց օտարների մոտ: Բարի հող, ո՞վ սերմանեց քո մեջ նեմգության սերմը, քանզի այդ ցորենի խորձը մեզանից չէ:

Պատասխան տվեց Մարիամը և ասաց. «Ինչ բավ է այդ, Հովսեփ, կատարիր քո խոսքը, իմ Տերը վկա է, որ այդ ամենի մեջ չեմ սխալվել: Մարգարիտը պահված է իմ մեջ և չի գողացված, մատանիները կնքված են, և ոչ ոք չի ավերել դրանք: Ոչ ոք չի վերցրել պայծառ մարգարիտը, որ խոստացված է քեզ: Կտրված չէ պատվական քարը, որ ավանդված է քեզ: Իմ օրիորդության պսակը հաստատում է իմ մեջ, և կողոպտված չէ մեծագին զարդը: Հովսեփը ասում է. Մի՞նչ և այժմ ճշմարիտ էիր, և քո սրբության մասին ես վկայում էի բոլոր մարդկանց և հարածամ ուրախանում քո ճշմարտության մեջ, և հավաստի գիտեի, որ ստախոս չէիր: Բայց այժմ ի՞նչ անհնարին է հավատալ քո խոսքերին, որովհետև խոսքից առավել գործերն են ընդունելի: Ինչպե՞ս ընդունեմ քո շինծու զրույցը, որովհետև ստուգապես տեսնում եմ Մամկանը քո ծոցում: Ստությունը տեսապես կցորդակից է պոռնկությանը և խաբեությունը՝ լծակից գողությանը: Ով շնանում է, թեկուզ և երդվի, ճշմարիտ չէ, որովհետև մի չարիքը կարող է բազում [չարիք] ծնել: Բո խոսքե՞րը լսեմ, թե՞ հաստատում գործերիդ հավատամ: Կույսը պատասխանում և ասում է. իմ խոսքերի մասին վկայում է կուսությունս. որով հղի եմ, ոչ ինձանից է և ոչ քեզանից: Եվ ճշմարիտ է, որ տղամարդու չեմ մոտեցել, և ամուսնություն երբեք չեմ տեսել, հավատա ի՞նչ: Եվ եթե ի՞նչ սուտ ես համարում մեր ազգի մեջ իմաստուն կանայք կան. մի՞թե միայն ես ունեմ կանանց դասի կուսության կնիքը: Եվ դարձյալ տուր ի՞նչ ըմպել Փորձության ջուրը, համաձայն Մովսեսի սահմանումի՞²⁴: Արդ, քեզ ավելի հավատարիմ ի՞նչ վկա բերեմ, քան կուսությունն ու փորձության ջուրը: Եվ եթե ի՞նչ ու նրանց սուտ ես համարում, իմ Որդին, որ Բարձրյալի գորությունն է, վկայում է, որ տղամարդ չեմ ճանաչում: Հովսեփը ասում է. Ո՞վ կարող է հավատալ այդպիսի խոսքերի, քանզի դրան մամլվող օրինակ չկա: Ո՞վ է տեսել կուսությունն ու մանկանը մույն որովայնում, և կամ ո՞վ է լսել լցված ստինքի և մատանիների կնիքների միևնույն մարմնի մեջ [լիները]: Հավիտեությունից ի վեր այդ չի եղել կանանց տեսակի մեջ, որ կույսը հղանա առանց տղամարդու: Ի՞նչ դժվար է հավատալ այդ մոր և օտար գործին, որի մասին ո՛չ քնությունն է վկայում և ո՛չ էլ Գրքերը:

²⁴ Նկատի ունի Մովսեսն ճախամարգարեի զավագանի հարվածով Զորերի ժայռից բխած ջուրը: Մովսեսն այդ «վայրդ կոչեց» Փորձություն և Մեղադրանք, որովհետև խորալեզոցները մեղադրել էին և Տիրոջը փորձել՝ ասելով. «Տերը մեր մեջ է, թե՞ ոչ». Էլք. ԺԷ 7:»

Միարիամը ասում է. եթե իմ խոսքերի վկայությունն ես ցանկանում, դյուրությամբ կիմանաս Գրքերից և բնությունից: Ո՞վ ամուսնացավ կույս Ռոդի հետ, որ ծնեց Ադամին, և ինքը՝ Ադամը, ո՞ւմ մերձավորությամբ ծնեց Եվային: Ո՞վ ամուսնացավ ծառի հետ, որ ծնեց խոյին²⁵, և կամ ո՞վ մերձեցավ ժայռին, որից ջուր բխեց²⁶: Ո՞ր հողը հղիացրեց գավազամը Տապանակում²⁷, և կամ ո՞ւմ զորությամբ ջուր բխեց էջի ծնոտից²⁸: Ո՞վ սերմանեց այսքան և այսպիսի զավակներ որովայններում, որ դու միայն իմն ես անհնարին համարում: Եվ եթե բնությանը չես հավատում, որ ճշմարիտ է. լսիր սուրբ գրքերին և հոգեշունչ մարգարեներին: Դու չե՞ս կարդացել, ինչ է ասում Եսային. «Ահա կույսը հղանալու և ծնելու է Էմմանուելին»²⁹: Այս մարգարեն քեզ ճշմարիտ է թվում, թե՞ սուտ, արդյոք հավատարի՞մ, թե՞ ուրիշ երկնություն կա քո սրտում:

Հովսեփը ասում է. երկու դեպքում էլ մեծ ահ է ինձ և ստուգապես հարկ է ինձ փախչել քեզանից: Քանզի եթե քո Մանուկը ամուսնությունից է, ապա քավ լիցի ինձ իմ սրբությունը միավորել այդ անձին, որ օտարի է մերձեցել, և եթե Սուրբ Հոգուց է, նույնպես արժանի չեմ բնակվել քեզ մոտ: Եվ այլևս չեմ քննելու, թե ով է կամ որտեղից, որովհետև սրանից հետո ինձ հարկ է այդ կատարել: Հովսեփը այս ասաց և լռեց, որովհետև խորհում էր արձակել Մարիամին: Եվ մա խիստ վշտացավ նրա տրտմության պատճառով, և մայրաքար աղաչեց իր Որդուն և աղոթեց Նրան որպես Աստուծո՜ւ, աղախնապես հառաչեց ու նրանից ծնողաբար խնդրեց, գաղտնորեն հայեցեց նրանից, սիրով խոսեց նրա հետ, մտքում իմաստությամբ խորհեց, որ իր բովանդակ հույսը Որդին է: Ո՞վ ճշմարիտ Որդի իմ և Հոր խոսք, որի պատճառով բազմիցս զրպարտվեցի, ծագեցրու Քո լույսը և լուսավորիր Հովսեփի մտքի խավարը: Քանի որ մա քեզ (համար) հայր անվանվեց, համաձայն երկրային կարծիքի, (ուստի) նրան հայտնի՞ր Քո Մոր ճշմարտությունը: Գթա, ողորմած, հանուն նրա արդարության և ամբօնության, և Քո աստվածային հայտնությունից նրան մի օտարացրու, Քո խորհուրդները մի թաքցրու նրանից, որպեսզի չկորչի, այլ նրան ճանաչել տուր Քո հայտնությունը և ուրախացրու նրան, որպեսզի մոռանա իր տրտմությունը: Եվ քանի որ ես արժանի եղա խոսել Քո մեծությունը կրելու մասին, մի թող նրան խեղդվել հերձվածների ալիքներում, այլ հանդարտեցրու նրան Քո հուսալից հավատքով: Տեր իմ, եղիր Քո Մոր վկան, քանզի շատ զրպարտեցին ինձ, և Հովսեփին հավատացրու, որպեսզի մա շատերին հավատացնի:

Եվ մինչ այդպիսի մտքերի պատճառով Հովսեփը տագնապում էր, արդարո՞ք քնեց և իր անկողնում հանգչեց:

Այնժամ կույսի Որդին հրամայեց հրեշտակներին՝ հասնել նրան: Իջավ պատգամախոսը, որ քերեց Թագավորի Մոր ավետիսը՝ Հովսեփ աստվածահորը հայտնելու գաղտնիքը: Հոգեղեն [պատգամախոսը] թռավ և փութով հասավ, որպեսզի երկբայական մտքերը կորզի նրա սրտից գիշերվա տեսիլքով: Նրան

25 Տե՛ս Ծննդ. իԲ 13:

26 Տե՛ս ելք ԺԷ 6:

27 Տե՛ս Թից ԺԷ 8:

28 Տե՛ս Դատ. ԺԵ 19:

29 Եսայի Է 14:

երևաց ամալոր փառքով, որպեսզի երկյուղից ստուգապես ընկալի ճրա խոսքերը: Ենչեց իբրև քամի, ցոլացավ իբրև փայլակ, կայծակներ թափեց իր թևերից, ծագեց իբրև արեգակ և տումը լցրեց իր շողով, փայլեց Ռաշալի լույսը և սարսափեցրեց Հովսեփին: Ակսեց խոսել և ասել նրան. «Մի երկյուղիր, Հովսեփ, որդի Դավթի»³⁰: Խոսքի սկզբում միթոարեց նրան, որովհետև Դավթի որդին էր, և տեղյակ պահեց նրան, թե Դավթի տնին է ծագում Արքան, որին ակնարկեց Հակոբը³¹: Եվ եթե քեզ հետ ճշմարտեմ Ռուբենի կամ Ծմավոնի և կամ Ղևհի ցեղից է, հայտնի է, որ դրանից չի ծնվելու իշխանը, որ գալու է, քայց եթե Նրա տոհմը Հուդայից և Դավթից է, ճշմարտապես Նրանից է ծագելու, Նրանից, որ Տերն է թագավորությունների: «Արդ, դու մի երկյուղիր» քեզ մոտ առնել Մարիամին, որովհետև նրանից ծնվածը Բարձրալի Որդի պիտի կոչվի»³², պոռնկությունից չէ. ինչպես կարծեցիք, որովհետև Նրա Որդին վերացրել է այս աշխարհի պոռնկությունը: Այս է, որ գրեց Եսայի մարգարեն. «Ահա կույսը հղիանալու է և ծնելու Որդի և Նրա անունը կոչելու են Էմմանուել, որ թարգմանվում է՝ Աստված մեզ հետ»³³: Եվ եթե այս չլիներ, սուտ էր Եսայա մարգարեությունը: Ահապահիկ Աստված խառնվեց մարդկանց հետ, ինչպես գրված է. «Հորից ելա և աշխարհ եկա»³⁴: Եվ այս ասելով՝ հրեշտակը գնաց:

Եվ Հովսեփը արթնանալով՝ ահով է բռնվում, դողալով, ապշելով, զարմանալով և փութով գլուխը խոցարհելով՝ երկրպագում Կույսին ու խոստովանում, փառաբանում և ասում. Ողբում քեզ, սրբուհի, Մայր մեծ Թագավորի, երկրպագում եմ Զեզ, որովհետև եղար կրողը տերերի Տիրոջ, որ բնակվում է քո մեջ: Ստուգապես Տերն է հրեշտակների, և Նրան եմ ծառայում հրեղեն դասերը, և իմքն է Արարիչը բոլոր հոգեղեն էակների: Եվ կարծում եմ, թե չգիտես Նրա զորության մասին, որովհետև ծածկվում է քեզանից, քայց ես նրա մերձակա ծառայից՝ հրեշտակից իմացա Նրա մեծությունը: Եվ արդ, հիմա, երբ ճանաչեցի, չեմ դադարելու փառաբանել և քարոզել Նրա ճշմարտությունը գրադարտողներին: Եվ փոխանակ քո հղության վրա իմ կանկածանքի, այլևս Նրա սիրուց իմն չի գալի ո՛չ կրակը, ո՛չ սուրը և ո՛չ մահը: Եվ քանի որ կամեցում էի քեզ արձակել իբրև մահապարտ, քավ լիցի իմն թողնել քո սրբությունը միմյն մահ, այլ իբրև աստվածաբնակ տաճար ուրախությամբ և սրբությամբ պիտի ծառայեմ քո մեծությանը:

Հովսեփն ընդունեց Մարիամին, և բնակվում էր՝ սրբին պահպանելով. հնազանդվում, հոծարում, պատվում, երկրպագում, փառաբանում, սպասավորում, երկյուղում և նրան լսում մեծ ահով: Սուրբ էր անձով և մաքուր՝ սրտով ու մտքով: Աշխարհի ճարտարապետի համար հյուսնը³⁵ մարմնավոր քերական եղավ: Թևերով քողարկվելով, Սերովքները Նրան սրբասաց փառաբանություն են երգում, և Կույսը Նրան կրում է [իր] աղքատ հարկի մերքո՝ իբրև սովորական մի մանուկ:

30 Մտթ. Ա 20:.

31 Տե՛ս Եննդ. Խթ 9:

32 Մտթ. Ա 20:.

33 Եսայի է 14:

34 Յովհ. ԺԶ 28:

35 Հովսեփը հյուսն էր. Մտթ. ԺԳ 55, Մրկ. Զ 3:

Երկինքը դժվարաբանում է իր մեջ տեղավորել Նրա մեծությունը, և աղքատների դուստրը Նրան տեղավորում է իր ծոցում: Եվ մա, ում հրամանով սնվում են բոլոր մանուկներն իրենց մայրերի որովայններում, սնվում է Կույսի արգանդում:

Իսկ երբ լրացավ իր մարդեղության ժամանակի սահմանը, և իր ամենավորության մեջ հաստատվեց անդամների կապակցումը, մարմինը լրվեց բանավոր զգայարաններով, պատկերը գկարվեց իր իմաստությամբ և մարմինը, որ վերցրել էր Կույսից, միավորեց իր Աստվածությանը, և երբ լրացան իր հղության իմն ամիսները, ճշմարտապես ծնվեց (Նա), որ գոյության [Կոչեց] Ադամին և իր ծննդյամբ արարածներին ազատեց գերողից: Եվ երբ կանոնում էր Ադամին արձանագրել Կյանքի գրքում, հրաման եղավ՝ մարդկանց արձանագրել մարդահամարի մեջ: Երկու թագավորների՝ երկնավորի և երկրավորի հրամանները մեկմեկու համդիպեցին: Կայսրը արձանագրում էր մարդկանց՝ իրեն հարկ տալու համար, և Աստուծո Որդին արձանագրում էր ադամորդներին կյանքի դպրության մեջ: Առաջին թագավորը մտածում էր մարդկանց պարտական դարձնել իրեն, և մյուսը՝ ողորմում ու ազատում պարտապաններին պարտքերից: Այն մարդահամարն առաջին անգամ էր և՛ մոր, և մյուսը՝ հին և մոր փրկական ազատություն էր, որ եղավ մեզ համար: Արտաքին քաներով պատկերվում էին քողարկվածները և երկրավորներով գուշակվում երկնավորները: Հրաման եղավ, և յուրաքանչյուր ոք արձանագրվում էր իր բնակավայրում, և Ադամին արձանագրեցին Եդենում, քանզի այն է մրա բնակավայրը: Իր Տերը մրան արձանագրեց փափուկ դախտում և մեծ քաղաքում, իբրև սկզբնական բնակավայր՝ իր ծանոթների մեջ, այնտեղ պատվեց մրամ: Եվ երբ կայսրը հրամայեց՝ յուրաքանչյուրին արձանագրվել իր բնակավայրում, այն հասավ մահ և չղկմեփին, որպեսզի դուրս գա՝ իր ամուսնը արձանագրելու Դավթի քաղաքում: Եվ մա Մարիամին առնելով գնաց Բեթղեհեմ³⁶: Մարիամը կրում էր Թագավորին, և գնում էր թագավորների քաղաքը³⁷, որպեսզի ծնի մրան, որն իր հայտնությամբ մարդկանց արձանագրելու էր Կյանքի դպրության մեջ: Երբ մրանը եկան Դավթի քաղաք Եփրաթա, Աստվածամայր Կույսի ծննդաբերելու երկունքը վրա հասավ: Եվ քանի որ Բեթղեհեմում մրանց համար իջեանելու տուն չկար, մրանը մեկուսանալով քարափոր տան՝ քարայրի մեջ, այնտեղ իջեանեցին: Հարուստը իջեանեց աղքատների մոտ դատարկ տան մեջ, հզորը՝ տառապալավների մոտ ժայռի ծերպում, ծնվելու ժամանակ իր Մորը ցեղեց երկունքի ցավերի մեջ³⁸, որպեսզի չկարծեն, թե սուրբ Կույսը միայն հոգի ծնեց. ստեղծ ոչխարը ծնեց առյուծի Կորյունին՝ զորությունների Հզորին, որին ակնարկեց Հակոբը իր օրհնության մեջ³⁹: Ընդարմացավ ամբիծ աղավցին և համեց երիտասարդ ձագին՝ թռչունների թագավորին, փոքրիկ բույնի մեջ: Երկինքը բազմեց՝ կուսությամբ ծնելու համար պարարտ եզին, որ եկավ ողջակեզ լինելու մեղավորներին: Իր Անձը մարմնապես ծնեց մանուկների Ստեղծիչը, ելավ որովայնից, և անխաթար մմաց կուսության կմիքը:

36 ՂԿ. Ա 3-4:

37 Նկատի ունի Բեթղեհեմը, որ Դավթի արքայի քաղաքն էր:

38 Ներքողի հրատարակիչները ծանուցում են, թե Տիրամոր երկունքի ցավերը ոչ թե հասարակ ծննդկաններից վիճակված ցավերի նման էին, այլ՝ կուսական ծննդյան համար կանխասահմանված աստվածաորաջ եղանակով ու խորհրդով:

39 ՏԵՆ ՄՃՃԳ. ԽԹ 9:

թյուն ենք ավետում, որովհետև այսօր ձեզ Փրկիչ ծնվեց, Օծյալ Տեր Դավթի քաղաքում»⁴¹։ Նա է Փրկիչը, որ բռնավորի ձեռքից հափշտակում է գերությունը և ազատում կապվածներից խավարային կապանքներից։ Նա է Հոգորը, որն իր սպանվելով վերադարձնում է ավարը և չարչարանքով հաղթում թշնամուն և հալածիչին։ Ինչո՞ւ են լռել, ո՞վ մարդիկ, քանզի եկել ձեր Թագավորը, գնացե՛տեսե՛ք և երկրպագե՛ք Նրան։ Հեզ է և խոհարհ և չունի իշխանի փառավորություն։ Նրա ձեռքին սուր և վառան չկա ռազմիկի մամ, և զարդարում կառք չկա Նրա տակ։ Չունի ձի և ջորի, քայց Թագավոր է, չունի արագընթաց երիվար, բայց իշխան է։ Նրան կզտենք խանձարուրի մեջ փաթաթված և մսուրի մեջ դրված, և մի երկբայեք Նրա աղքատիկ կերպարանքի վրա։

Հովիվներն իրենց խաշներով ցնծացին բարի լուրով, և հավատացին անարատներն ու, վերցնելով ընծաները, գնացին Նրա մոտ։ Արդարներն ընտրեցին, ուղիղները տասանորդեցին և մատուցեցին իրենց ընծաները. գառ՝ իբրև Զահագայի, կաթ՝ իբրև Ծծկերի, փառք՝ իբրև Աստուծո։ Առաջին ընծաները Հովիվները մատուցեցին Նրան, իրենց պարգևներով մտան քարայր և երկրպագեցին Նրան։ Մաքի գառը մատուցեցին Աստուծո Գահանը, որ եկավ զոհ և պատարագ լինել Աստուծո և դադարեցնել գառների զոհաբերությունը։ Հովիվները խառնվեցին հրեշտակներին և փառաբանեցին Նրան։ Մեծ հրաշքներ եղան, որովհետև երկնավորների ձայնը միավորվեց երկրավորներիս [ձայնին] և ամարմինների մեղեդիները՝ մարմնավորներիս [մեղեդիներին]։ Եվ բոլոր բերաններից փառաբանություն դուրս եկավ, ու միաբանվեցին երկինքն ու երկիրը՝ երգելու օրհնությունը մեկ Միջնորդի, որ նրանց հաշտեցրեց իր ծննդյամբ։ Մանուկը լուռ է, [երկմային] բազմությունները զարհուրում են, ձայները՝ բարձրանում, հրեշտակները՝ բարբառում, մարդիկ՝ գոհանում։ Քարայրը փռք է, մսուրը՝ աղքատիկ։ Հովսեփը ուրախ է, Մարիամը՝ զարմացած, և Որդին՝ աղքատացած։

Իսկ Մարիամը տեսնելով այս հրաշքները՝ քաջալերելով ինքն իրեն և խուսափելով երկունքից ու ցավերից՝ իր Որդու առջև ոտքի կանգնելով և խոհարհվելով՝ երկրպագում էր, Նրա առջև ընկնելով աղոթում էր ծնողական սիրով և ասում. Տեր իմ և Որդի, հրամայիր Քո աղախնին և Մորը՝ խոսել Քեզ հետ։ Արձակիր բանակներդ Քո երկիրը, որովհետև այնտեղ ես։ Սաստիկ հրեշտակներիդ, որպեսզի տեղ տան Քեզ մոտենալու։ Ասա Սերովբեներին՝ բարձրացնելու իրենց թեները՝ ինձ Քեզ մոտ գալու համար։ Թույլ տուր կուսական կաթին՝ հասնելու Քո բերանը, շնորհիր ստինքներին, որոնց սնուցեցիր, որպեսզի սրանք սնուցեն Քեզ։ Երկնավորների գոչյունից պատույն երկիրը, հրամայիր նրանց հավաքվել բարձունքների լուսեղեն առաջաստներում։ Տուր իմ ձեռքերին Քերովբեների զորությունը, որպեսզի կարող լինեն [նրանց] թեների մամ բարձրացնել Քեզ։ Պարզեիր իմ լեզվին Սերովբեների սրբասացությունը, որպեսզի բերանս անդադար Քեզ սրբասացություն երգի։ Տուր իմ ձեռքերին բանական ամիվների տոկունությունը⁴², որպեսզի կարող լինեն շարժել Քո մեծությունը։ Տուր ինձ զորություն, քանզի անկար եմ զորությամբ [առջև]։ Եվ Դու Քեզ պատվիր, քանզի երկինքն իսկ անկարող է իր մեջ տեղավորել Քեզ։ Քո մեծ ծննդյան այս օրը թող ցնծա քովանդակ երկիրը և փոխանակ փշերի՝ թող բարի պտուղ բուսնի։

Այսօր թող ուրախ լինի [մարդկանց] տոհմի նախահայր Ադամը, որովհետև Աստուծո ընդունեց իր ծննդից [ի վեր], ինչպես ցանկացավ։

41 Ղզ. A 14:

42 Տե՛ս Եճճդ. 41:

Այսօր ծվամ ցնծալու է Ադամից առաւել, որովհետև մրամից Մամուկ ծնվեց, որ վերացրեց մրա ամեծքի ցավը: Այսօր դրախտն իր ծառերով պետք է ուրախ լինի, քանզի որոշված դրախտապանը վերադարձավ իր ժառանգությանը:

Այսօր ցնծալու են բոլոր հեթանոսները, որ ցրված են բովանդակ երկրով մեկ, որպեսզի Քեզնով ժողովվեն:

Այսօր Հեսեի⁴³ արմատից պտղատու ուտ բուսեց, որ քաղցր գինով պիտի հագեցնի ծարաված հեթանոսներին:

Այսօր ամրացավ փշրված ոտքը, և գորացավ տկարացած գաբշապարը:

Այսօր հեթանոսները գերությունից խաղաղությամբ վերադարձան, և ամուլը բազմածնունդ եղավ:

Այսօր մարգարեների գնդերը ուրախամալու են, որովհետև կատարվեցին մրամց խոսքերը և ծննդյան մասին:

Այսօր և՛ Դավիթ հայրը պատրաստելու է իր տասնադի [քնարի] լարերը և երգելու և՛ ծննդյան մոր երգերը:

Այսօր եսայում ձայն հնչեց իր գերեզմանում, քանզի ահավասիկ իմ առջև է էմմանվելը, ինչպես մարգարեացավ⁴⁴:

Այսօր փառավորվելու է Ամոկսի որդին⁴⁵, քանզի Մամուկ ծնեցի և կույս մնացի, ինչպես գրված է:

Այսօր ավելի ևս ցնծալու է Զաքարիա մարգարեն, քանզի դու ես [այն] մարդը, որի անունը Օտոավիդ է⁴⁶, ինչպես ասաց:

Այսօր և՛ լույսը ծագելու է մարգարեների գերեզմաններում և մրամց գաթնեցնելու է իրենց [իսկ] փառավորյալ քնարներով:

Այսօր ուրախանում է Քեզ [համար] հայր հորջորջված Հովսեփը, որ բազմիցս մախատվեց հանուն Քեզ և արժանի եղավ տեսնելու և՛ փառքը:

Այսօր, երբ ծնեցի Քեզ, բազմացավ և՛ փառաբանությունը, քանզի երկնայիններն ու երկրավորները մոր օրհնությունը երգեցին:

Այսօր Մարիամը երգեց այսպիսի խոսքեր, ամբիժ աղավնի՝ իր սիրելի Որդուն, և մրա զգվամքի ձայնը միավորեց հրեղեն [էակների] երգերին: Նրա խոսքը խառնվեց Սերովքների սրբասացության հետ, և մրա եղամակը խլացրեց բոցեղեն [էակների] որոտմանը, որովհետև գորովամքով էր օրհնաբանում իր սիրելի Որդուն: Կուսության քնարը զոչեց՝ միավորված հրեշտակների հետ, քանզի մրամց հաղորդակից էր կուսությամբ և սրբությամբ: Նորոգվեց հողը⁴⁷, որ հմացած էր մեղքով, և վերստին ստեղծվեց Աստուծո Որդու ծնունդով: Այսօրվա փառքը մեծ է [մնացյալ] բոլոր օրերից, և հրաշալի է այս Տոմի պայծառությունը, քան [մնացյալ] բոլոր տոների:

Եկեղեցի, արթնացիր գեղեցկազարդ քո երգերով և օրհնության պատարագ մատուցիր քո Տիրոջը Նրա ծննդյան օրը:

Այսօր ելում է Սիոնը և մտնում հեթանոսների եկեղեցի, և բարձրանում է մրա զավակի խոնարհված գլուխը:

Այսօր հարսնացած եկեղեցին ուրախանում է Փեսայի տոնդարձով, որովհետև թողել էր մրամ և զմացել դիվամով կոպաշտության հետևից:

⁴³ Հայրն է Դավիթ մարգարեն /Հոռոք. Դ. 17, Ա. Թագ. ԺԶ, ԺԷ 12, ԻԲ 3, Մտք. Ա 5/, որի շատավիդն էր Հիսուս:

⁴⁴ Տե՛ս Եսայի Է 14:

⁴⁵ Եկատի ունի Եսայի մարգարենին, որ որդին էր Ամոկսի. Եսայի ԼԷ 2:

⁴⁶ Զաքարիա Զ 12:

⁴⁷ Եկատի ունի աղամորդուն. Մենդ. Ա:

Այսօր ցնծում է վաղուց վշտացածը, քանզի Փեսամ եկել է մրամ համելու դեերի խավարային մոլորությունից:

Այսօր գոհ է բռնավորի կապամքներով կապվածը, որովհետև Ազատիչը գալով խորտակեց ամգիտության կապամքները և ազատեց մրամ:

Այսօր Ստեղծիչը վերստին ճկարակերտեց իր ապակամված պատկերը և մրամ խառնեց անմահության դեղը, որպեսզի այլևս չեղծվի հավիտյամ:

Այսօր իմաստուն Տաճարապետը շինեց ավերված տունը և մրա մեջ ամրացրեց աստվածային անդրդվելի սյուն:

Այսօր Տերը հաշտվեց Ադամի հետ, որպեսզի Որդին, որ ծնվեց, խաղաղություն հաստատի Հոր և Ադամի միջև:

Այսօր Տերը գտավ մոլորյալ ոչխարին և ուսերի վրա դնելով քերեց Եդեմ դրախտը:

Այսօր վերադարձան հեթանոսների հոտերը, քանզի քաջ Հովիվը հալածեց ապակամիչ գայլերին և փրկեց մրամը:

Այսօր արտաքինները ներքին դարձան, և մերձավորները խոտվքի մատնվելով դուրս եկան Թագավորի տնից⁴⁸:

Այսօր Սաքավուփ Տերն իջնելով՝ կործանեց մեհյանները և մրամը միջից վերացրեց աստվածների ամուրը:

Այսօր աշխարհի գերության (ժամին) հայտնվեց հզոր Պատերազմողը, որ կապեց ապստամբ գերողին և իր զորությանը վերացրեց գերությունը:

Այսօր եկել է հիվանդների և վիրավորների Բժիշկը, որ ձրի թժշկում և ապաքինում է, և դարձյալ ինքը վարձ է տալիս ապաքինվածներին:

Այսօր Կինը խառնեց կյանքի խմորը մեր զանգվածին,⁴⁹ մինչև որ ամբողջը խմորվեց, քանզի մարդկային ցեղը գրկվել էր աստվածային գիտությունից:

Այսօր կենդանի Աղը, իջնելով Բարձրալից, համեմեց մեր անհամությունը՝ համաձայն Եղիսեի խոսքի⁵⁰:

Այսօր Հորից դուրս եկած հրամանը կյանքի առհավատչյա է, քանզի Որդու ծննդով վեր հրավիրեց մարդկային ցեղը:

Այսօր, որ ամիս է առանց պտուղի, կյանքի Պտուղ մեզ առաքվեց երկնավորից:

Այս ամիս, որ զուրկ է ամեն տեսակ եկամտուից, մեզ առաքվեց կյանքի Յորմախուրձը և հագեցրեց մեզ:

Այս ամիս, երբ աղքատացում են բոլոր տառապալումները, իջավ հարուստը և իր զանձերը բաշխեց բոլոր տնամկներին:

Այս ամիս, երբ այգին զուրկ է խաղողից, կույս որթը իր արգանդից մեզ Ողկույզ պարգևեց:

Այս ամիս, երբ տերևները թափվում են ծառերից, Ադամի տերևները դարձան լուսեղեն զգեստներ:

48 Եկատի ունի հեթանոսներին /արտաքիններ/, որոնք Քրիստոսին ընդունելով դարձան քրիստոնեական ընտանիքի լիիրավ անդամ /ներքին/: Մինչդեռ այդ ընտանիքի անդամության կոչվածները /մերձավորները/ անարժան գտնվելով՝ դուրս մնացին Քրիստոսի /Թագավորի/ թագավորությունից /տնից/:

49 Պատկերը կառուցված է Կին = կյանք (Մճճ. Գ 20) զուգորդական հիման վրա, որ կյանքն իրեն բացարձակ արժեք մատնանշում է Հիսուս Քրիստոսի անդրաճեականությունը (Հովհ. ԺԱ 25), որի հետ միավորվելով աղամորդին դառնում է կյանքի ժառանգորդ:

50 Տե՛ս Դ Թագ. ԻԱ 20-22:

Այս ամիս, երբ սերմերը պատվում են սառնամանիքով, մեզ բարի Սերմ տրվեց ծառավ և անաշխատ հողից:

Այս ամիս, երբ հողը զրկվում է բարիքից, մեր հոգիներին առաքվեց երկնավոր Բարիքը:

Այս ամիս, երբ արեգակը բարձրանում է լույսի սանդուղքով, ծագեց արդարության Արեգակը և լուսավորեց մեզ:

Այս ամիս, երբ տեղի է տալիս խավարը և ետ դառնում, քանզի հաղթվում է լույսից, չարը պարտվում է և ետ դառնում, ընկնում իր իշխանությունից:

Այս ամիս, երբ մվազում է գիշերը ու պակասում, և ամռան առավոտը, մվազեցին թակարդներն ու որոգայթները մարդկանցից:

Այս ամիս, երբ խավարը պարտավորվում է լույսից, խավարի իշխանությունը պարտավորվեց ամեղ Լույսից:

Այս ամիս, երբ ըստիմյալն ճորդվում են հմացածները, մեր Տերը սրա մեջ ճորդեց առաջիններին:

Այս ամիս, երբ թագավորները հոր հրամաններ են տալիս, մեծ Թագավորից հրաման ելավ երկրի խաղաղության համար:

Այս Տոնին, երբ հրեշտակները երգեցին իրենց գոչումով, հեթանոսներն իրենց հատուկ բազմությամբ գոհացան են ովսանմաներով:

Այս տոնին, որ սպասավորվեց երկնավորներից, երկրավորներին կողմից պաշտվում և երկրպագվում է ծնված Աստվածը:

Այս տոնին երգեցի Քո ծննդյան փառաբանությունը՝ Քո՝ Ահեղիդ օրը տեսնելու Աստվածությանդ ողորմությունը:

Այս առավոտ սակավ խոսքերով օրհնեցի Քեզ. արժանի արա ինձ մեծ առավոտյան Քեզ անսպառ օրհնել:

Այս առավոտ Քո եկեղեցում իմ ձայնի պատարագը մատուցեցի. հավիտեանական ավոտին ինձ դասիր Քո առաքատին հրավիրվածների շարքը⁵¹:

Այս առավոտ Քո Հորը՝ փառաբանություն, Քեզ՝ անդադար օրհնություն, և Սուրբ Հոգուն՝ երկրպագություն, և մեզ՝ հավատացյալներին՝ ողորմություն այժմ և միշտ և հավիտյանս հավիտեցից. Ամեն:

*Աշխարհաբարի վերածեց
և ծանոթագրեց*

ՀԱԿՈՒ ՔՅՈՍԵՅԱՆԸ

⁵¹ Հմմտ. Մտք. ԻԲ 2-14: